

| | |
|--------------------|--|
| <p>資料</p> <p>1</p> | <p><u>柳永《雨霖鈴》</u>：</p> <p>寒蟬淒切。對長亭晚，驟雨初歇。 都門帳飲無緒，留戀處、蘭舟催發。 執手相看淚眼，竟無語凝噎。 念去去、千里煙波，暮靄沉沉楚天闊。</p> <p>多情自古傷離別，更那堪冷落清秋節！ 今宵酒醒何處？楊柳岸、曉風殘月。 此去經年，應是良辰好景虛設。 便縱有千種風情，更與何人說？</p> |
| <p>2</p> | <p><u>《詩經·小雅·采薇》</u>：</p> <p>昔我往矣，楊柳依依。今我來思，雨雪霏霏。 行道遲遲，載渴載飢。我心傷悲，莫知我哀！</p> |
| <p>3</p> | <p><u>杜牧《清明》</u>：</p> <p>清明時節雨紛紛，路上行人欲斷魂。 借問酒家何處有，牧童遙指杏花村。</p> |
| <p>4</p> | <p><u>杜甫〈春望〉</u>：</p> <p>國破山河在，城春草木深。 感時花濺淚，恨別鳥驚心。……</p> |
| <p>5</p> | <p><u>李清照〈如夢令〉</u>：</p> <p>昨夜雨疏風驟，濃睡不消殘酒。 試問卷簾人，卻道海棠依舊。 知否？知否？應是綠肥紅瘦。</p> |
| <p>6</p> | <p><u>孟浩然《春曉》</u>：</p> <p>春眠不覺曉， 處處聞啼鳥。 夜來風雨聲， 花落知多少。</p> |

| | |
|----|--|
| 7 | <p><u>張之儀《卜算子》：</u> 我住長江頭， 君住長江尾。 日日思君不見君，共飲長江水。</p> <p>此水幾時休， 此恨何時已。 只願君心似我心，定不負相思意。</p> |
| 8 | <p><u>杜甫《絕句》：</u> 兩個黃鸝鳴翠柳， 一行白鷺上青天。 窗含西嶺千秋雪， 門泊東吳萬里船。</p> |
| 9 | <p><u>王維<山中>：</u> 荊溪白石出，天寒紅葉稀。 山路元無雨，空翠濕人衣。</p> |
| 10 | <p><u>白居易《憶江南》：</u> 江南好，風景舊曾諳； 日出江花紅勝火， 春來江水綠如藍。 能不憶江南？</p> |
| 11 | <p><u>馬致遠<天淨沙·秋思>：</u> 枯藤老樹昏鴉， 小橋流水人家， 古道西風瘦馬。 夕陽西下， 斷腸人在天涯。</p> |